



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N

9/15925

06.07

2023թ.

Արմեն Հարությունյանին
Ծանուցման հասցե՝ ք. Երևան, Շինարարների փող. 14/1, 82 բն.
Էլ. փոստ harutyunyan.armen.eduardi@gmail.com

Ի պատասխան Ձեր 04.07.2023թ.-ին ՊԾ ստացված դիմումին՝ ուղարկվում է ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցված վարչական բողոքարկման վարույթի արդյունքում Արմեն Հարությունյանի նկատմամբ կայացված թիվ 8300510053 որոշումն անփոփոխ, իսկ վարչական բողոքն առանց բավարարման թողնելու մասին որոշման պատճենը:

Առդիր որոշումը՝ << 3 >> թերթ

Պետ,

ոստիկանության գնդապետ՝

Կար. Տ. Կարապետյան

Ա. Խուդինյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 27.03.2023թ-ին կայացված թիվ 8300510053 որոշումն անփոփոխ, իսկ վարչական բողոքն առանց բավարարման թողնելու մասին

<<08>> 05 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, վերանայելով Արման Էդուարդի Հարությունյանի /Այսուհետ դիմող/ դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

27.03.2023թ. ժամը 20:46-ին Երևան քաղաքի Արամի փողոցում դիմողի վարած <<Շևրոլետ>> մակնիշի 37 RN 094 հաշվառման համարանիշի տրանսպորտային միջոցը կանգառ է կատարել <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին>> ՀՀ կառավարության 955-ն որոշման հավելված 1-ի <<Ճանապարհային նշաններ>> բաժնի 3.27 ճանապարհային նշանի ազդման գոտում, որի հետևանքով վարորդի բացակայության պայմաններում տրանսպորտային միջոցը տարհանվել է հատուկ պահպանվող տարածք:

Վարորդի նկատմամբ ՀՀ ՆԳՆ ոստիկանության պարեկային ծառայության ԵԲԳ-ի կրտսեր պարեկ Խաչատուր Խաչատրյանի կողմից կազմվել է վարչական իրավախախտման վերաբերյալ արձանագրություն և կայացվել է թիվ 8300510053 որոշումը՝ դիմողին տուգանելով 20.000 ՀՀ դրամ, տուգանային միավորի կիրառմամբ՝ 0.5 տուգանային միավոր:

Դիմողը դիմումով խնդրել է անվավեր ճանաչել ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 27.03.2023թ-ին կայացված թիվ 8300510053 որոշումը այն պատճառաբանությամբ, որ զանցանք չի կատարել:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 27.03.2023թ-ին, կայացված թիվ 8300510053 որոշումը ենթակա է կատարման հետևյալ պատճառաբանությամբ.

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողին ուղարկվել է ծանուցում վարչական լսման օրվա և ժամի վերաբերյալ:

<<Լեգիոն-9>> ՍՊԸ-ից ստացված տեսաձայանագրության ուսումնասիրությունից պարզ է դառնում որ, «Շևրոլետ» մակնիշի 37 RN 094 հաշվառման համարանիշի տրանսպորտային միջոցը տարհանվել է կանգառն արգելող 3.27 նշանի ազդման գոտում կայանելու համար:

<<Ճանապարհային երթևեկության կանոնները եվ տրանսպորտային միջոցների շահագործումն արգելող անսարքությունների եվ պայմանների ցանկը հաստատելու մասին>> ՀՀ կառավարության 2007 թվականին 955-ն որոշման 1-ին հավելվածի ձև 1-ի համաձայն՝ 3.27. «Կանգառն արգելվում է»։ արգելվում են տրանսպորտային միջոցների կանգառն ու կայանումը:

<<Ճանապարհային երթևեկության անվտանգության ապահովման մասին>> ՀՀ օրենքի 18-րդ հոդվածի 3-րդ մասի համաձայն՝ երթևեկության մասնակիցների համար խոչընդոտ ստեղծող կամ կայանումն արգելված տեղերում կանգնած տրանսպորտային միջոցները տեղափոխվում են հատուկ տարածք, եթե վարորդը տեղում չէ կամ հրաժարվում է վերացնել խոչընդոտը կամ կայանման կանոնների խախտումը:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 23-րդ մասի համաձայն՝ տրանսպորտային միջոցների վարորդների կողմից կանգառի և (կամ) կայանման կանոնները խախտելը, եթե դրա պատճառով տրանսպորտային միջոցը տարհանվել է պահպանվող հատուկ տարածք կամ «Հաշմանդամներ» ճանապարհային նշանով (ցուցանակով) կահավորված վայրում «Հաշմանդամ» ճանաչման նշանով չկահավորված տրանսպորտային միջոցը կանգնեցնելը՝ առաջացնում է տուգանքի նշանակում՝ սահմանված նվազագույն աշխատավարձի քսանապատիկի չափով, տուգանային միավորի կիրառմամբ 0.5 միավոր:

Նույն օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Իրավախախտման փաստի վերաբերյալ ապացույցներ են հանդիսանում արձանագրությունը և տարհանող տրանսպորտային միջոցի տեսանկարահանող սարքով իրականացրած տեսանյութը:

Այսպիսով, համադրելով գործում առկա ապացույցները, ակնհայտ է, որ վարորդը տրանսպորտային միջոցը կայանել է կանգառն արգելված վայրում, միաժամանակ խոչընդոտ է հանդիսացել այլ տրանսպորտային միջոցների վարորդների համար, ուստի գտնում եմ, որ դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 23-րդ մասի հատկանիշները:

Ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

87

Ո Ր Ո Շ Ե Ց Ի

1. ՀՀ ՆԳՆ պարեկային ծառայության վարչական իրավախախտման վերաբերյալ գործով 27.03.2023թ-ին կայացված թիվ 8300510053 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Երևան քաղաքի գունդ:

**Պետի պարտականությունների ժամանակավոր
կատարող, ոստիկանության գնդապետ՝**



Ա. Մաթևոսյան